



REPUBLIKA E SHQIPËRISË
KËSHILLI I LARTË I PROKURORISË

VENDIM
Nr. 1, datë 10.01.2025

PËR

**“MIRATIMIN E OPINIONIT PËR KANDIDATEN QË KA APLIKUAR NË
PROCEDURËN E KOMANDIMIT SI KËSHILLTAR LIGJOR PRANË KËSHILLIT TË
LARTË TË PROKURORISË”**

Këshilli i Lartë i Prokurorisë (KLP), me pjesëmarrjen e:

1. Zonjës Mirela BOGDANI	Kryetar
2. Zotit Sokol STOJANI	Anëtar
3. Zotit Zeqir HODA	Anëtar (në mungesë)
4. Zonjës Arta MANDRO	Anëtar
5. Zonjës Ledina RIZA	Anëtar
6. Zotit Moisi DUDA	Anëtar
7. Zotit Vatë STAKA	Anëtar
8. Zotit Olger EMINAJ	Anëtar
9. Zotit Erind GËRMENJI	Anëtar
10. Zotit Erind MERKURI	Anëtar (në mungesë)
11. Zoti Erion FEJZULLA	Anëtar

në mbledhjen e datës 10.01.2025, konform procedurës së përcaktuar në nenet 159-161, 164 dhe vijues të ligjit nr. 115/2016 “Për organet e qeverisjes së sistemit të drejtësisë” i ndryshuar, nenet 18 e vijues të Rregullores “Për organizimin dhe funksionimin e brendshëm të Këshillit të Lartë të prokurorisë”, shqyrtoi çështjen me objekt:

“Miratimin e opinionit për kandidaten që ka aplikuar në procedurën e komandimit si këshilltar ligjor pranë Këshillit të Lartë të Prokurorisë”



BAZA LIGJORE:

1. Neni 149/a të Kushtetutës së Republikës së Shqipërisë;
2. Neni 53 pika 1 dhe 2, të ligjit nr.96/2016 *“Për statusin e gjyqtarëve dhe prokurorëve në Republikën e Shqipërisë” i ndryshuar*;
3. Nenet 164 pika 8, 166 pika 2, 189 pika 1, germa “a” të ligjit nr.115/2016 *“Për organet e qeverisjes së sistemit të drejtësisë” i ndryshuar*.

KËSHILLI I LARTË I PROKURORISË:

Nga shqyrtimi i materialit shkresor të përbërë nga:

- i. Relacioni shoqërues nr. 47 prot., datë 10.01.2025, i Komisionit të Zhvillimit të Karrierës;
- ii. Projektvendimi i formatuar dhe arsyetuar;

si dhe referuar bazës ligjore të lartpërmendur, përfshirë diskutimet në mbledhje mbi çështjen,

V Ë R E N:

- 1- Këshilli i Lartë i Prokurorisë, mbështetur në nenet 53 pikat 1 dhe 2, 54 pikat 1, 2 dhe 3 të ligjit Nr.96/2016 *“Për statusin e gjyqtarëve dhe prokurorëve në Republikën e Shqipërisë” i ndryshuar*, me vendimin nr. 224, datë 23.10.2024, ka miratuar fillimin e procedurave për plotësimin e një pozicioni Këshilltar Ligjor, pranë Këshillit të Lartë të Prokurorisë, përmes procedurës së komandimit, për një periudhë 3 (tre) vjeçare.
- 2- Njoftimi për shprehjen e interesit për pozicionin e shpallur u publikua në faqen zyrtare web të Këshillit. Afati i paraqitjes së kërkesave për komandim është përcaktuar 15 (pesëmbëdhjetë) ditë nga dita e shpalljes së njoftimit në faqen zyrtare të internetit të Këshillit të Lartë të Prokurorisë, me afatin fundor të aplikimit për kandidatët e interesuar datën 12.11.2024, ora: 24:00. Brenda afatit të caktuar për paraqitjen e kërkesave për komandim, pranë Këshillit të Lartë të Prokurorisë janë paraqitur tre kërkesa.

Kriteret e kërkuara për këtë pozicion janë si më poshtë:

- të jetë prokuror i Republikës së Shqipërisë;
- të ketë ushtruar profesionin e magjistratit për të paktën 5 (pesë) vite;
- të mos ketë masë disiplinore në fuqi;
- kandidati të mos jetë në kushtet e papajtueshmërisë ambjentale për shkak të lidhjeve të ngushta familjare me anëtarët e Këshillit të Lartë të Prokurorisë, Sekretarin e Përgjithshëm ose prokurorët e tjerë të komanduar në Këshill, sipas parashikimeve të nenit 8 pika 1 të ligjit nr.96/2016 *“Për statusin e gjyqtarot dhe rokurorit në republikën e Shqipërisë”*.

Dokumentacioni i kërkuar ishte si më poshtë :

- Letër motivimi ku kandidati shpreh arsyet dhe motivin e kandidimit për këtë pozicion pune (jo më shumë se dy faqe A4);



CV- në e përditësuar të kandidatit;

Deklaratën e papajtueshërisë ambjentale;

Çdo dokument tjetër që konsiderohet i nevojshëm në funksion të këtij kandididimi.

- 3- Më datë 12.11.2024 pranë Këshillit të Lartë të Prokurorisë është protokolluar kërkesa e prokurores Aida Cakaj, e cila është e emëruar në funksionin e prokurores në Prokurorinë pranë Gjykatës së Shkallës së Parë Juridiksionit të Përgjithshëm Fier.
- 4- Nga verifikimi, pas përfundimit të afatit, u verifikuan kriteret dhe rezultoi se kandidata Aida Cakaj e cila ka aplikuar brenda afatit, është prokurore e Republikës së Shqipërisë dhe ka ushtruar profesionin e magjistratit për të paktën 5 (pesë) vite.
- 5- Gjithashtu, zonja Cakaj nuk është në kushtet e papajtueshmërisë ambjentale dhe nuk ka masë disiplinore në fuqi.
- 6- Sa më sipër, në zbatim të nenit 54/4 të ligjit nr.96/2016 "*Për statusin e gjyqtarëve dhe prokurorëve në Republikën e Shqipërisë*" i ndryshuar, Këshilli ka përgatitur opinionin ligjor për kandidaten Aida Cakaj.
- 7- Nga dokumentacioni i depozituar dhe dosja personale e kandidates rezulton se Aida Cakaj, ushtron funksionin e magjistratit që prej vitit 2013, kur është emëruar me Dekretin nr. 8375, datë 08.11.2013, prokuror në stazh në Prokurorinë pranë Gjykatës së Shkallës së Parë Fier në vitin 2013, (rreth 11 (njëmbëdhjetë) vjet vjetërsi pune) dhe nuk ndodhet në një pozicion me mandat të kufizuar; nuk është dhe as ka qenë më parë e komanduar, si dhe nuk ka masë disiplinore në fuqi.

Për sa më sipër Këshilli i Lartë i Prokurorisë, konstaton se:

- 8- Nisur nga sa më sipër, pavarësisht situatës së sistemit të prokurorisë për shkak të vakancave që aktualisht arrijnë në 35%, vlerëson se funksioni i prokurorëve të komanduar në Këshill është tejet i rëndësishëm, pasi lidhet me procesin e vlerësimit periodik etiko-profesional të prokurorëve.
- 9- Në kushtet kur magjistrati i komanduar si Këshilltar Ligjor pranë KLP-së do të angazhohet me procedurat e vlerësimit etik dhe profesional në bazë të ligjit, Këshilli pasi ka verifikuar plotësimin e kriterëve ligjore sipas legjislacionit në fuqi dhe shpalljes, kualifikon kandidaten Aida Cakaj, në këtë procedurë dhe për vlerësimin e kriterëve specifike të kandidatëve, e kalon për vijimin e procedurës në Komisionin e Vlerësimit Etik dhe Profesional.

PËR KËTO ARSYE:

Bazuar në nenin 149/a të Kushtetutës së Republikës së Shqipërisë, nenin 53, pikat 1 dhe 2 dhe nenin 54 pikat 1, 2 dhe 3, të ligjit Nr.96/2016 "*Për statusin e gjyqtarëve dhe prokurorëve në Republikën e Shqipërisë*" i ndryshuar, nenet 164 pika 8, 166 pika 2 dhe 189 pika 1, germa "a" të

ligji Nr.115/2016 "Për organet e qeverisjes së sistemit të drejtësisë" i ndryshuar, me propozim të Komisionit të Zhvillimit të Karrierës, Këshilli i Lartë i Prokurorisë,

V E N D O S I:

1. Miratimin e opinionit për prokuroren Aida Cakaj, candidate për t'u komanduar si Këshilltar Ligjor pranë Këshillit të Lartë të Prokurorisë.
2. Ky vendim, opinionit bashkëlidhur dhe të gjitha dokumentet e paraqitura nga kandidatja Aida Cakaj, i përcillen për vijimin e procedurave të mëtejshme, Komisionit të Vlerësimit, Veprimtarisë Etike dhe Profesionale.
3. Ky vendim hyn në fuqi menjëherë dhe publikohet në faqen zyrtare web të Këshillit.

U shpall në Tiranë, sot më 10.01.2025.

KRYETAR
Mirela Bogdani

ANËTAR
Sokol Stojani

ANËTAR
Arta Mandro

ANËTAR
Ledina Riza

ANËTAR
Moisi Duda

ANËTAR
Vatë Staka

ANËTAR
Olger Eminaj

ANËTAR
Erind Gërmenji

ANËTAR
Erion Fejzulla